

ხელშეკრულება №ა/ფ-35  
სახელმწიფო შესყიდვის შესახებ  
(გამარტივებული ელექტრონული ტენდერი)

თბილისი

04.06.2015წ.

ერთი მხრივ სსიპ „ბავშვთა და ახალგაზრდობის ეროვნული ცენტრი“, შემდგომში - შემსყიდველი, წარმოდგენილი ცენტრის უფროსის მოადგილის ზურაბ ცოფურაშვილის სახით და მეორე მხრივ ააიპ „საქართველოს კალათბურთის ეროვნული ფედერაცია“, შემდგომში - მიმწოდებელი, წარმოდგენილი მისი გენერალური მდივნის (უფლებამოსილი წარმომადგენელი) გიორგი ქართველიშვილის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-16<sup>1</sup> მუხლის პირველი პუნქტის, შემსყიდველი ორგანიზაციის სპორტული და კულტურული პროგრამების დეპარტამენტის 2015 წლის 8 მაისის N05/326 და 21 მაისის N05/437 მოხსენებითი ბარათების საფუძველზე, ვდებთ წინამდებარე ხელშეკრულებას (**SPA 150014816**):

**1. გამოყენებული ტერმინების განმარტებები**

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.

1.6 „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

წინამდებარე ხელშეკრულების საგანს წარმოადგენს „ახალგაზრდული ფესტივალი 2015“-ის აქტივობების „მინიკალათბურთის ფესტივალი“ და „ტურნირი ქუჩის კალათბურთში“ ფარგლებში სპორტული მომსახურების (CPV 92600000) შესყიდვა - შემდგომში მომსახურება.


**3. ხელშეკრულების ღირებულება**

3.1 ხელშეკრულების ღირებულება საქართველოს კანონმდებლობით გათვალისწინებული დამატებული ღირებულების გადასახადის ჩათვლით შეადგენს **48 881.50** (ორმოცდარვა ათას რვაას ოთხმოცდაერთი ლარი და ორმოცდაათი თეთრი) ლარს.

შემსყიდველი: \_\_\_\_\_



მიმწოდებელი: \_\_\_\_\_





3.2. მომსახურების ერთეულისა და საერთო ღირებულებები განისაზღვრულია წინამდებარე ხელშეკრულების დანართი N1-ით.

3.3. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

#### 4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების გაწევა ხელშეკრულების გაფორმებიდან 2015 წლის 31 ივლისის ჩათვლით.

ბ) მომსახურების გაწევის პროცესში იხელმძღვანელოს ამ ხელშეკრულების მე-5 მუხლის 5.1. პუნქტით გათვალისწინებული პირობებით;

4.2 შემსყიდველი ვალდებულია:

ა) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად;

ბ) უზრუნველყოს ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

#### 5. ხარისხი

5.1. ხელშეკრულების მე-2 მუხლით გათვალისწინებული მომსახურება უნდა შეესაბამებოდეს მსგავსი მომსახურებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

5.2. აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს გაწეული მომსახურება და მის შესაბამისად მოწოდებული საქონელი, ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

#### 6. მომსახურების გაწევის ადგილი და პირობები

6.1. „მინიკალათბურთის ფესტივალი“ გაიმართება 2015 წლის ივნისი-ივლისის განმავლობაში თბილისის ადმინისტრაციულ საზღვრებში. ფესტივალის ფარგლებში გაიმართება 145 თამაში. მიმწოდებელი ვალდებულია მინი კალათბურთის ფესტივალის ფარგლებში ჩატარებული თითოეული თამაში უზრუნველყოს შემდეგი მომსახურებებით:

ა) საქართველოში მოქმედი კალათბურთის ეროვნული ან/და ფიზას კატეგორიის 2 (ორი) მსაჯის მომსახურებით.

ბ) საქართველოში მოქმედი კალათბურთის ეროვნული ან/და ფიზას კატეგორიის თამაშის 1 (ერთი) კომისარის მომსახურებით.


გ) საქართველოში მოქმედი კალათბურთის ეროვნული ან/და ფიზას კატეგორიის 4 (ოთხი) მსაჯ-მდივანის მომსახურებით.

დ) 1 (ერთი) სპორტული მედიცინის მცოდნე ექიმი-რეაბილიტოლოგის მომსახურებით.

შემსყიდველი: \_\_\_\_\_



მიმწოდებელი: \_\_\_\_\_





6.2. ტურნირი „ქუჩის კალათბურთი“ გაიმართება 2015 წლის ივნისი-ივლისის განმავლობაში თბილისის ადმინისტრაციულ საზღვრებში 2 (ორი) კალენდარული დღის განმავლობაში. მიმწოდებელი ვალდებულია „ტურნირი ქუჩის კალათბურთის“ ფარგლებში გამართული თითოეული თამაში უზრუნველყოს შემდეგი მომსახურებებით:

ა) საქართველოში მოქმედი კალათბურთის ეროვნული ან/და ფიბას კატეგორიის 4 (ოთხი) მსაჯ-მდივანის მომსახურებით.

ბ) საქართველოში მოქმედი კალათბურთის ეროვნული ან/და ფიბას კატეგორიის 2 (ორი) მსაჯის მომსახურებით.

გ) გარე გამოყენების გადასაადგილებელი საკალათბურთო მოედნით - FIBA-ს მიერ ლიცენზირებული გადასატანი მოედნი სრული კომპლექტაციით: ასაწყობი მოედანი, ორი ფარი, კალათბურთის 24 წამიანი 2 (ორი) ელექტროდაფა, ანგარიშის მაჩვენებელი 1 (ერთი) ელექტრო დაფა.

დ) მოედნის დახაზვა სათანადო საღებავითა და აქსესუარებით.

ე) გადასაადგილებელი მოედნის ტრანსპორტირება და მონტაჟ/დემონტაჟი.

6.3. მომსახურების გაწევის ზუსტი თარიღი მიმწოდებელ ორგანიზაციას ეცნობება ელექტრონული ფოსტის საშუალებით არანაკლებ 2 დღით ადრე. მიმწოდებელი ორგანიზაცია ვალდებული იქნება დაუყოვნებლივ დაადასტუროს აღნიშნული შეტყობინების მიღება.

## 7. ხელშეკრულების შესრულების კონტროლი

7.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში.

7.2. ინსპექტირებას განახორციელებს სსიპ „ბავშვთა და ახალგაზრდობის ეროვნული ცენტრის“ სპორტული და კულტურული პროგრამების დეპარტამენტის უფროსი თეა ყიფშიძე.

7.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 10 (ათი) დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს გაწეული მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

7.4. თუ ამ მუხლის 7.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

## 8. მომსახურების მიღება-ჩაბარების წესი


8.1. გაწეული მომსახურების მიღება წარმოებს მიღება-ჩაბარების აქტის გაფორმების გზით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

8.2. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

შემსყიდველი: \_\_\_\_\_



მიმწოდებელი: \_\_\_\_\_





8.3. გაწეული მომსახურების მიღებას აწარმოებს: სსიპ „ბავშვთა და ახალგაზრდობის ეროვნული ცენტრის“ სპორტული და კულტურული პროგრამების დეპარტამენტის უფროსი თეა ყიფშიძე.

## 9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2. შემსყიდველი იღებს ვალდებულებას გადაუხადოს მიმწოდებელს ფაქტობრივად გაწეული მომსახურებების ღირებულება მიღება-ჩაბარების აქტის გაფორმებიდან და ანგარიშ-ფაქტურის წარმოდგენიდან 15 (თხუთმეტი) სამუშაო დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

## 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

## 11. ხელშეკრულების პირობების შეუსრულებლობა

11.1. წინამდებარე ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ჯამური ღირებულების 1% არაუგვიანეს 10 (ათი) საბანკო დღისა. იმ შემთხვევაში, თუ დამრღვევი მხარე მითითებულ ვადაში არ გადაიხდის პირგასამტეხლოს, მას დამატებით დაეკისრება პირგასამტეხლო ყოველ ვადაგადაცილებულ დღეზე გადასახდელი პირგასამტეხლოს 10%-ის ოდენობით.

11.2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.3. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

შემსყიდველი: \_\_\_\_\_



მიმწოდებელი: \_\_\_\_\_





## 12. ხელშეკრულებაში ცვლილებების შეტანა

12.1. წინამდებარე ხელშეკრულების პირობების ნებისმიერი ცვლილება ან დამატება უნდა გაფორმდეს წერილობით ხელშეკრულების ცვლილების სახით, რომელიც ჩაითვლება ხელშეკრულების განუყოფელ ნაწილად.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

## 13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## 14. ხელშეკრულების შეწყვეტა

14.1. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული სხვა ვალდებულებების შესრულებისგან.

## 15. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2015 წლის 10 სექტემბრის ჩათვლით.

## 16. ფორს-მაჟორი

შემსყიდველი: \_\_\_\_\_

მიმწოდებელი: \_\_\_\_\_

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

## 17. სხვა პირობები

ხელშეკრულება შედგენილია თანაბარი იურიდიული ძალის მქონე ორ ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

## 18. მხარეთა რეკვიზიტები:

### შემსყიდველი

სსიპ „ბავშვთა და ახალგაზრდობის ეროვნული ცენტრი“

მის: თბილისი, ვაჟა-ფშაველას 76<sup>ბ</sup>

ტელ: 2305175;

ს/კ: 204935712

სახაზინო რეკვიზიტები:

კოდი: №220101222

ა.ა: №200122900

ცენტრის უფროსის მოადგილე  
ზურაბ ცოფურაშვილი



### მიმწოდებელი:

ააიპ „საქართველოს კალათბურთის ეროვნული ფედერაცია“

იურიდიული მის. თბილისი, ი. ჭავჭავაძის გამზ. N49;

ტელ. 551 77 00 33;

ელ. ფოსტა: giga gurgenidze@gmail.com;

ს/კ 204 851 838;

საბანკო რეკვიზიტები:

სს „ლიბერთი ბანკი“

ბანკის კოდი: LBRTGE22;

ანგ. N GE53 LB 0115 1812 5431 4000;

გენერალური მდივანი:

გიორგი ქართველიშვილი




Handwritten signatures and dates at the bottom of the page. From left to right: a signature, the date '2024-05-29', and another signature.



ფასების ცხრილი

| N  | მომსახურება                | რაოდენობა  | ერთეულის ღირებულება          | ჯამური ღირებულება |
|----|----------------------------|------------|------------------------------|-------------------|
| 1. | მინი კალათბურთის ფესტივალი | 145 თამაში | 265.50                       | 38 497.50         |
| 2. | ტურნირი ქუჩის კალათბურთში  | 2 დღე      | 5 192.00                     | 10 384.00         |
|    |                            |            | სულ ჯამი<br>დღგ-ს<br>ჩათვლით | 48 881.50         |

შემსყიდველი:



მიმწოდებელი:

